

四部叢刊三編史部

天下郡國利病書

七

福建、廣東、廣西

福建

備錄

海防總論

會通界神應

沿海自廣東樂會縣接安南界起歷海條粵為文昌界鋪前港為會通界神應
港豐盈浦為瓊州界麻頭浦呂灣浦為臨高界田禾渡為儋州界我詐山為昌
化所界壓白沙營為感恩縣界大洞天小洞天為崖州界牙娘灣雙洲門為凌
水縣界七十二徑牙山淡水渡為欽州界華木營烏雷山為靈山縣界青嬰池
楊梅池平江池為廉州界邵州為永安所界邕洲為康海所界潤洲為錦農所
界調洲獨猪山為石城千戶所界峒洲小黃程汾洲為寧川所界青聚山羅浮
峰為神電衛界海凌山為雙海所界小獲山為海州所界中獲山為陽江所界
大獲山為新寧縣界西熊山為新會縣界萬斛山上川山為順德縣界
石岐峰為香山縣界蛇西山大南常山為南海番禺界烏沙洋為白沙巡司九
星洋為福永巡司界珊瑚洲蓮花山為東莞縣界合蘭洲為大鵬所界馬鼓洲
為鐵岡驛界寧洲山桔洲山為惠州界記心洋為平海所界徐娘山為海豐縣
界大星尖山為捷勝所界吉頭峰為碣石衛界前標峰為甲子門所界陶娘灣

靖海縣為靖海所界大浮山玉嶼山為朝陽縣海門所界小柑山為蓬州所界
大柑山為大城所界大京山九猴山為饒平縣界計五千里抵福建南澳山為
玄鍾所界歷侍郎洲石城嶼為銅山所界歷鴻儒嶼沙汭島為陸鰲所界大嶺
嶼壁洲山為鎮海衛界小嶺嶼為月港界舊渚嶼為高浦所界嘉禾山大担山
為中左所界小担虎頭山為金門所界大登山小登山為福金所界大捕山小
捕山為永寧衛界埕埭峰嶺窰峰為崇武所界沙塘灣為惠安縣界嶸嶼白嶼
為峰尾巡司界湄洲山為南泉寨蒲禧所界石獅峰小灣峰為平海衛界埕口
三江口為冲心巡司界網山王家嶼為萬安所界六湖山碧水島為鎮東衛界
踵門山為蕉山巡司界日嶼月嶼為梅花所界即會城三波礁五虎粵為連江
界下干塘四嶼為定海所界花瓶為北茭巡司界飛鸞渡為寧德縣界青山峰
為大金所界天干山丁家埕大俞山三星山流江為福寧州界計二千里抵潮
江懸中峰為蒲門莊士二所界歷長沙門大崑山為金鄉衛界鳳凰山為平陽
所界銅盆山為沙園所界仙口峰飛雲渡為瑞安所界大衢山海安港為海安

所界甌舉披山為寧村所界黃華港為磐石衛界大岩頭為磐石後右界前山
霞斗門為蒲岐所界九眼塘斗門關為三山巡司界丫髻峰為楚門所界臨門
溢為隘碩所界省梅坑為沙角巡司界大陳山石塘港為松門衛界金清關西
嶼關水豐關皆朱文公所造為新河所界金沙灘鑄礁為海門衛界海門港為
海門前所界五嶼為桃渚所界三門山為健跳所界石蒲港為前後二所界青
苔灣為昌國衛界小目山為爵谿所界西厨山為前倉所界孝順洋白塗為大
嵩所界大射山為穿山後所界洛茄山長白山為中左所界大魚灣長山巡司
界招寶山中子山為定海衛界金家嶼為寧波界丘家洋為慈谿界金盤浦為
龍山所界松浦港為松浦巡司界黃山為觀海衛界破山浦為三山所界化龍
浦為餘姚界臨山港為臨山衛界西海塘為上虞界漁山蒙池臺為紹興三江
所界鰲子山為蕭山界和尚山榜門為會城界茶浦門為海寧所界大衢山小
衢山為澈浦所界桑扶山為海寧衛界西海口馬蹟山北丁興殿前山淡水門
為乍浦所界計二千七百里抵朝鮮三姑山為金山衛界胡家港為金山巡

司界上釣山中釣山下釣山大盤山為青村所界蒲臺為南隴所界陳前山茶
 山為踰巡司界寶山為上海界永字山分水礁海礁山絲淘港為吳淞所界浪
 岡山顧涇港為嘉定界竺箔沙送信嘴小團沙新安沙為太倉界太陰沙管家
 沙為崇明界福山狼山三裡口為通州千戶所界唐家港海門島為泰州界亂
 沙新洋港為鹽城界開山淮河河口黨山為安東界妨山高公島為海州所界清
 河口已頭河為贛榆界甸島勞山島為安東界孤耆山為石臼所界計一千八
 百里抵山東青沉峰界歷胡家峰為高港巡司界沙嘴峰為靈山衛界黃埠峰
 為夏河寨界洋河峰為膠州界大勞山田橫島為鰲山衛界走馬峰為即墨界
 馬山為浮山所界甸島赤島為雄崖所界吾島徐福山為大山所界巨高島為
 太嵩衛界竹島為海隅所界松島莫島漫雞島為靖海衛界佛島為津寧所界
 五疊島下勞山為尋山所界歇馬墩洛口堡為成山衛界海牛島為不夜城界
 寶家峰為百尺岩所界古陌頂為威海衛界父島為金山所界新安堡戴山峰
 為寧海衛界海雞山為靈河寨界武家庄為馬埠寨界洋山為萊州界八角島

碗蟻島為登州界。劉家窪為盧洋寨界。沙門島為解宋寨界。單山為黃縣界。桑島為馬停寨界。龜島為昌邑縣界。歌末島為寿光界。都里鎮為蒲臺界。青島為利津界。黃島為賓州界。直沽口為寶坻縣界。塔山為盧龍衛寨界。南半洋山為昌黎縣界。計一千二百里。抵遼。東北半洋山為山海衛界。蔬菜島為中前所界。牛車島為中後所界。孤山為中右所界。向陽島羅兒島為金州衛界。石灘島為左所界。東雲島黃駝島為蓋州衛界。屏風山為復州衛界。鳳凰山為中左所界。女兒河為中屯衛界。右屯衛界。遼河渡古寺島為廣寧衛界。麻田島平島為海州衛界。湯站堡為鎮遼所界。臨江為義州界。計一千三百餘里。為鴨綠江朝鮮界。總其入寇則隨風所之。東北風猛則由薩摩或由五島至大小琉球而視風之變。北多則犯廣東。東多則犯福建。正東風猛則必由五島歷天堂官渡而視風之變。東北多則至鳥沙門分鯨。或過韭山海關門而犯溫州。或由舟山之南而犯定海。犯象山奉化。犯昌國。犯台州。正東風多則至李西興壁下。陳錢分鯨。或由洋山之南而犯觀_山。犯錢塘。或由洋山之北而犯青南。犯太倉。或由南沙而入。

大江犯瓜儀常鎮。或在大洋而風歛東南也。則犯淮揚登萊。若在五島開洋而南風方猛。則趨遼陽。天津防倭者。以三四五月為大汛。九十月為小汛。向之入寇者。薩摩肥後長門三洲之賊居多。其次則大隅筑前筑後博多博人善造舟而豐前豐後和泉之人間亦有之。乃因商於薩摩而附行者。廣東列郡者。十分為三路。高雷廉近占城滿刺諸番。烟烽希曠。中路東莞東路惠潮皆倭寇不時出沒之地。而東路尤為要衝。若拓林者。則又必東路控賊之咽喉門戶也。無柘林是無水寨矣。無水寨是無東路矣。瓊州四面環海。東西九百里。南北一千一百四十里。長山峻嶺。三黎錯居其間。而五指腹心盡為黎據。羣罔之中定安尤險。稍或撤備。門庭皆勦敵矣。頃因辛丑之亂。舉兵討平。事雖大定。險終在夷。議者歎於羅活崗據以重兵。斷其往來攬伏。噫。必如是而為久安之計乎。福洋烽火門寨設於福寧州所轄官井沙埕。羅浮為南北中三哨。後官井漆水寨則又以羅江古鎮分為二哨。是在烽火官井當會哨者五。小哩水寨設於連江所轄閩安鎮北茭焦山等七巡司。為南北中三哨。是在小哩當會哨者三。日南水寨

設於莆田所轄冲心、蒲傳崇武等所司為三哨。而文湧港則近添設於平海之後。是在日南當會哨者四。浯嶼水寨設於同安。上自圍頭以抵日南下自井尾以抵銅山。大約當會哨者二。銅山水寨設於漳浦北。自金山以接浯嶼。南自梅嶺以達廣東。大約當會哨者二。由南而哨北則銅山會之。浯嶼浯嶼會之日南。日南會之小哩。小哩會之烽火。而北來者無不備矣。由北而哨南則烽火會之小哩。小哩會之日南。日南會之浯嶼。浯嶼會之銅山。而南來者無不備矣。哨道聯絡勢如長蛇。防禦之法其能踰此耶。總計八閩之地。二面當海者二。興泉是也。一面當海者二。福漳是也。其要害地如晉江深尾、獺窟、興化冲心、平海、龍溪海門、漳浦島尾、南靖九龍寨溪是也。然莫有如福寧之尤險者。三面孤懸海中。如人吐舌。賊入必首犯之。舊寨設於州東北六十里三沙海面。後焦宏倡議棄徙松山。今必復舊而後可乎。浙江沿海舊設四總。今增為四叅六總矣。四叅者抗嘉湖一寧紹一台一溫一也。六總者定海、昌國、臨觀、松海、金盤、海寧也。悉其防禦之制。自內達外。有三重為會哨於陳錢分哨於馬蹟山。普陀第一重沈

家門馬墓之師為第二重。總兵督發兵船為第三重。備至密也。乃若定海者是寧紹之門戶。舟山者。又定海之外藩。其地則故縣治也。為里者四。為舉者八十有三。五穀之饒。魚鹽之利。可供數萬人。不待取給於外。非若普陀諸山比也。國初置昌國衛於其上。屯兵戍守。誠至計也。信國經略海上。以其民孤懸徙之內地。改隸象山。識其小而未見其大也。蘇松為畿輔。望即濱於大海。自吳松江口以南。黃浦以東。海壖數百里。一望平坦。皆賊往道。往因不能禦之於海。致賊深入其禍慘矣。今建議者曰。松江之有海塘。而無港口者。則自上海之川沙南匯。華亭之青村。柘林。凡賊所據以為巢穴者。各設陸路把總。以屯守之。而金山界於柘林乍浦之間。尤為直浙要衝。特設總兵。以為陸路各將之領袖。又於其中添設遊兵把總一員。專駐金山。往來巡哨。所以北衛松江。而西援乍浦也。至於蘇之沿海而多港口者。如嘉定之吳松。太倉之劉家河。常熟之福山港。凡賊舟可入者。各設水兵把總。以堵截之。至於崇明孤懸海中。尤為賊所必經之處。特設叅將。以為水兵各將之領袖。又於其中添設遊兵把總二員。分駐行治營。

前二沙往來巡哨所以遠哨海洋而遮蔽港口也。外內夾持水陸兼備上之可以禦賊於外洋下之可以巡塘而拒守亦既精且密矣。乃若淮揚二郡介於江淮之間東瀕大海三面隄防考其形勢起自東南蓼角嘴抵姚家灣綿延四百里除安豐等三十六場俱在腹裏未為要害要害之虞乃通州也狼山也揚樹灣裏河鎮也餘東餘西等場也蓼角嘴呂四場也掘港新閘港也廟灣劉家庄金沙場也其尤要者有三曰新場為其出入至近逼揚州也曰北海所其通新閘港且有鹽艘聚泊也曰廟灣為其為巨鎮而通大海口也。須設三把總以駐之仍用陸路遊擊一員駐劄海安則東可以控狼山通州海門之入而西可以捍禦揚州矣。倭患之作嶺嶠以北達於淮揚靡不受害而東獨不之及者豈其無意於此哉。良以山東之民便鞍馬不便舟楫無過海通番之人為之嚮道接濟耳。所慮者登萊突出海中三面受敵且危礁暗沙不可勝數非諳練之至則舟且不保何以迎敵而追擊乎。故安東以北若勞山赤山竹篙旱門劉公芝界八角沙門三山諸島乃賊之所必泊而我之所當伺者。若白蓬頭槐子口橋雞

鳴喚夫人嶼金勞石倉廟淺灘亂磯乃賊之所必避而我之所當遠者當事諸臣無恃其不來恃吾有以備之造舟選卒練習故當將來廟堂或脩海運以備不虞亦大有賴焉獨禦寇云乎哉遼東苦營并地也其背為沙漠花當吉列迷諸部落在焉其面為滄溪其餘氣為朝鮮國朝設瀋陽遼陽三萬鐵嶺四衛統於開原以遏北狄之衝金復海蓋旅順諸軍聯屬海濱以防島夷之入東北藩籬可謂固矣洪武初倭奴以玩南方之心而玩遼東遼人以禦北狄之法而禦倭寇斬滅無遺海氛蕩熄劉江金線島之捷是已二百年來遼備無故倭敢遽犯哉但地方千有餘里馬步官軍九萬員名止藉山海關一路饋餉我朝北都燕而遠漕江南粟又自京師達於遼陽飛輓不繼何以食之此其患非渺小矣通者登萊運米遼遼甚便惜未多耳愚謂國初軍屯商中之制至為精當而大壞極敝司國計者當深念而亟之圖不當專責幕帥而已也

兵事

泉州 正統間建昌人鄧茂七聚衆殺人縣官捕之遂拒捕率黨劫上杭汀州
正統十三年據杉關攻光澤縣大掠順流而下攻邵武掠庫藏數日至順昌縣
時尤溪爐主蔣福成亦號集爐丁劫取聚落旬日至數萬人襲尤溪與茂七聲
援遂攻延平合拒官軍官軍皆沒御史丁宣等發牌招之茂七等殺齎牌使者
據王臺地方立總甲里長殺張都司勢益熾遣賊將陳敬德由德化寇永春永
春民郭榮六擊破之餘賊吳都總等分寇諸縣遠近望風降附將攻郡城郡守
熊尚初請調衛軍未下自提民兵與晉江簿史孟常陰陽正術楊仕洪拒于城
南古陵坡被執皆死之巡按御史張海上其事 上遣都督劉得新陳榮與都
御史張楷等親諭務要勦滅盡絕陞辭父諭你每不可遲福建一方百姓望你
每來救他務要將賊人殺滅盡絕楷等分道入閩乃平諸賊匪賊首赴京八閩
始定 弘治四年漳平盜溫文進寇安溪攻陷縣治永春南安郡城一時騷動

注一

副使司馬聖督官兵討平之 正德中廣東盜屢寇南安永春德化安溪等

縣 嘉靖元年秋廣東盜犯永春 二年正月辛亥泉兵與賊戰于高埭敗據

泉州衛經歷葛彥乙酉漳泉合兵復戰于霞村擄漳州府通判施福七月賊入

按漳司會事一系以彰同

注二

興化 三年十月六縣兵合擊賊于德化小尤中圍殲之 二十六年劇寇陳

日輝聚黨據安溪覆鼎山大小尖白葉坂諸崗是冬寇同安分巡僉事余燝督

兵討平之 時漳州月港家造過洋大船往來暹羅佛狼機諸國通易貨物海

道不靖是年新設總督閩浙都御史厲禁通商獲通番者九十餘人都御史朱

統什海道副使柯喬都司盧鏐就教場悉斬之尋諭發柯喬盧鏐皆擬重典後

恤刑即中陸穩乃奏釋之漳泉尋復通倭亦以巨航至漳泉人往有詐負

其直者遂生嫌隙而倭患萌矣 三十五年倭自福清海口入寇泉州衛指揮

童乾震引兵迎戰死之倭復至郡城下陷崇武入永春安溪 三十七年四月

倭犯安平府陷福清南安惠安知縣林咸禦賊于鴨山死之遂犯郡城 三十

八年倭犯郡城同安。三十九年四月陷崇武。入永春。七月陷安溪。四十年倭掠同安。晉江仙遊。叛民呂尚四聚黨攻陷永春。擄知縣林萬春。賊褚鐸攻南安。執招撫千戶王道成。遂攻德化。知縣張大綱戒壁嚴壘。乘機出戰。大破之。直追至巢。尚四走。宛擒鐸。二賊悉平。四十一年二月倭陷永寧衛。是時土賊謝愛夫等並起。擄人發冢。挾贖。指揮歐陽深泰將黎鵬舉等合兵連破七寨。斬賊首韋老等。六月深遣人撫諭其黨。夜解散萬餘人。黎明進擊。擒江一峯。李五官等。斬之。十二月廣賊陳紹祿三千餘犯永春。先是倭在福清未回首。適浙直總督遣泰將戚繼光領金華兵來援興化。至次宏路驛。一夜勦之。兵無所犒。賞畢還浙江。新倭自海口登岸。遂攻圍興化城。數月時都督劉顯屯江口。距城四十里不敢進。遣五兵詰城約援。為倭所獲。殺之以從倭。漢人詐為劉兵入城。分守叅政翁時器。叅將畢高並中其計。十一月二十八日夜五人在城殺人。倭乘亂攻城。遂陷。據城三月。凡殺署印同知一人。士夫十餘人。大家小民無

數至正月始去屯平海衛。上命戚繼光以都督總兵福建提浙江兵未至時廣東總兵俞大猷奉遣應援以南贛兵為軍門所留新募漳兵未可以戰惟先扼截海港毋令船得脫去指揮歐陽深奉遣應援與賊戰于平海之東蕭死之。戚兵至遂直抵平海衛城破其巢殲賊無遺。四十二年十月倭復攻仙遊五十餘日時浙兵更番未至戚總兵侯久恐城中力竭乃率見在兵破其西寨遂與譚巡撫連兵盡破其東南二寨賊遂潰。四十三年正月賊入泉州郡境攻安平戚總兵續至賊聞引去戚追勦直至漳州賊復奔潮州為廣東總兵俞大猷截殺無餘。四十五年春有倭航百餘徒突至永寧戚總兵截殺之。隆慶三年四月倭二百餘犯同安分巡僉事蘇愚遣指揮張奇峰督土兵往殲之自是倭絕迹矣。

興化 嘉靖二年七月廣寇申大總犯莆田典史汝艮戰死。三十七年四月倭犯府城自是連歲入寇。四十一年十一月二十八日夜倭陷府城同知奚